



7. juni 2013

Inatsisartut Suleriaasianni § 37 naapertorlugu Naalackersuisunut apeqquut imaattoq matumuuna saqqummiuppara:

Naalackersuisunut apeqqutit:

1. Meeravissiarthaartarnermut malittarisassat Naalackersuisut allanngortinniarlugit pilersaaruteqarpat, angajoqqaat assigiimmik suaassusillit meeqqap inooqqaarneraniit ataatsimoorlutik angajoqqaatut oqartussaassuseqarsinnaanngorlugit?

2. Peqqinnissaqarfimmi pingaarnersuinerit allanngortinniarlugit Naalackersuisut pilersaaruteqarpat, meerartaarsinnaanngitsut imaluunniit angajoqqaat assigiimmik suaassusillit aappasaanik pingajussaanilluunniit meerartaassatillugit pisortanit aningaasatigut ikiorserneqarsinnaanngorlugit?

(Inatsisartunut ilaasortaq Palle Christiansen, Demokraatit)

Tunngavilersuut:

Maannamut sulii aappariit assigiimmik suaassusillit qitornaminnut ataatsimoorlutik angajoqqaatut oqartussaassuseqalerniartut sullinneqartarnerat kingaattuaraavoq. Ullumikkut malittarisassat atuuttut naapertorlugit, aappariit ukiut pingajuat avillugu najugaqatigiissimasariaqarput, meeravissiarthaarnissaat akuerineqassapput. Pissutaavoq, aappariit assigiimmik suaassusillit sullinneqartarmata meerarsiaminnik tigusiniartutut. Demokraatini isumaqarpugut, aappariit assigiimmik suaassusillit atoqatigiinneqa aqutiginagu kinguaassaqalersimasut, ataatsimoorlutik angajoqqaatut oqartussaassuseqalertariaqartut, meeqqap inuuneraninngaanniit. Taamatut pisoqarpat meeraq kiisalu angajoqqaat ernisuunngitsaq inatsisitigut illersorneqarnerulissapput.

Naliginnaasumik nalilingaavoq, aappariit 10 aamma 15 procentit akornaniittut meerartaarsinnaaneq ajortut. Ullutsinni qitornaqanngitsut amerlanersaat pisortanit tapiiffigineqarsinnaapput qitornartaassaminnut siullermut, tamatumali kingorna ikiorneqarsinnaajunnaartarput. Tassa imaappoq, aappariit arlaannik pissuteqartumik nammineerlutik meerartaarsinnaanngitsut periarfissalunnerupput qitornatik qatanngutitaartinniarlugit. Tamanna ajuusaarnarpoq.

Tamanna tunngavigalugu Demokraatini kissaatigaarput, malittarisassat allanngortinneqassasut, aappasaanik pingajussaanillu qitornartaarniartut tapiiffigineqarsinnaanngorlugit. Kisiannili aappasaanik pingajussaanilluunniit qitornartaarniarnermut atatillugu aamma atuisut akiilisoqarsinnaanissaa eqqarsaatigineqartariaqarpoq. Aaqqiissutaasinnaavoq peersanik katersivimmiit aappariit peersamik pisisalernissaat imaluunniit mannissamut, mannissanik katersivimmiit, taava pisortat suliaritineq akilertassavaat.

Apeqqutit akeqquneqarput tigusinermit ullut sulliviit naliginnaasut qulit qaangiutsinnagit